



SIARAN MEDIA

TERBITAN SULUNG SUKUK WAKALAH UDA CATAT LANGGANAN LEBIH RM500 JUTA

KUALA LUMPUR, 27 Jun 2023 – UDA Holdings Berhad (UDA) telah menamatkan proses tawaran persendirian (*private placement*) bagi penerbitan pertama Program Sukuk Wakalahnya dan berjaya mencatat langganan bernilai RM525 juta yang dilanggan sepenuhnya oleh pelabur tempatan. Terbitan ini adalah dalam bentuk Kertas Kerja Komersial Islam (ICP) dan Nota Kewangan Jangka Sederhana Islam (IMTN).

Menteri Pembangunan Usahawan dan Koperasi, Datuk Ewon Benedick berkata, “Kejayaan menerbitkan Program Sukuk Wakalah melebihi RM500 juta ini membuktikan keyakinan pelabur atas keupayaan UDA terus kekal relevan dan memainkan peranannya dalam pembangunan ekonomi negara.”

Beliau menambah, “Pada tahun ini, nilai projek-projek pelancaran baru pembangunan UDA dianggarkan sebanyak RM1.3 bilion dan kesemua hartanah tersebut dibangunkan di kawasan-kawasan strategik seluruh negara serta kawasan-kawasan yang dikenal pasti akan meningkat nilai hartanahnya di masa depan. Saya juga ingin menyarankan UDA untuk meneroka potensi pembangunan ruang niaga di Sabah bagi membolehkan lebih ramai usahawan kecil dan sederhana mendapat faedah daripada penerbitan sukuk tersebut.”

Untuk tahun ini, antara lokasi pelancaran projek yang telah dikenal pasti ialah di Johor, Pulau Pinang, Kedah, Kuala Lumpur, Selangor, Sarawak, Pahang dan Terengganu.

Sementara itu, Presiden yang juga Ketua Pegawai Eksekutif UDA Datuk Sr Mohd. Salem Kailany berkata, “Dana yang dikumpul akan digunakan untuk membayar semula pembiayaan sedia ada, membiayai projek-projek pembangunan komersial, perumahan, perindustrian, pembangunan projek-projek wakaf serta modal kerja. Ia juga akan meletakkan UDA di landasan tepat untuk memastikan agenda

pembangunan yang dirancang dapat dijalankan mengikut strategi yang telah ditetapkan,”

“UDA yang kini mempunyai jumlah aset bernilai RM3.7 bilion turut memegang rizab tanah seluas 1,014 ekar dengan taksiran harga pasaran RM2.6 bilion. Hasil daripada penerbitan sukuk ini dan juga perancangan strategik yang telah digariskan, UDA mampu untuk terus komited menjadi peneraju utama dalam sektor pembangunan hartanah negara,” tambah beliau.

Datuk Sr Mohd. Salem berkata, “Inisiatif ini seiring dengan penjenamaan UDA iaitu ‘L.I.F.E.’ yang menekankan kepada ciri-ciri Legasi, Integrasi, Ketelitian dan Memperkasa, seterusnya bergerak ke arah kelestarian. Ia juga diharap dapat menyumbang ke arah kesejahteraan masyarakat bertepatan dengan nilai Malaysia Madani.”

Penasihat Utama Tunggal untuk pelaksanaan program Sukuk Wakalah adalah RHB Investment Bank Berhad.

TAMAT

UDA HOLDINGS BERHAD

UDA Holdings Berhad (UDA) yang dulu dikenali sebagai Perbadanan Pembangunan Bandar (Urban Development Authority) telah ditubuhkan pada tahun 1971, kini merupakan syarikat berkaitan kerajaan (GLC) di bawah seliaan Kementerian Pembangunan Usahawan dan Koperasi (KUSKOP).

Setelah lima dekad, UDA terus komited dalam mencorakkan, membentuk serta memodenkan bandar-bandar utama di Malaysia.

Kini, UDA adalah salah sebuah organisasi yang berdaya saing dan mampan di Malaysia dengan memfokuskan pada empat perniagaan teras iaitu hartanah (UDA Property), pelaburan dan pengurusan harta (UDA Property Investment & Management), hospitaliti (UDA Hospitality) dan pengurusan fasiliti (UDA Facility Management).

UDA turut konsisten bekerja keras bagi memenuhi misi memberikan produk dengan nilai terbaik seterusnya kekal mampan dengan menerapkan ciri-ciri ‘Life’ iaitu *Legacy* (Legasi), *Integrated* (Integrasi), *Finesse* (Ketelitian) dan *Enrich* (Memperkasa) sebagai tunggak utama bagi semua rangkaian perniagaan UDA di seluruh Malaysia.

Untuk maklumat lanjut, sila layari www.uda.com.my. Sebarang pertanyaan media, sila hubungi:

Nor Hanisah Kamaruzaman (Nisa) | n.hanisah@udanet.com | +6013 597 4264
Mohamad Haziq Radhwan Mohd Yusoff | haziq.radhwan@udanet.com | +6011 2412 0907

Bahagian Komunikasi Korporat Kumpulan
Tingkat 6, Blok Menara, Kompleks Pertama,
Jalan Tuanku Abdul Rahman, 50100 Kuala Lumpur
Tel: +603 2730 8500 | Fax: +603 2731 2855

“MEMPERKASA GAYA HIDUP LESTARI”